

PATRIARCHATUS CONSTANTINOPOLITANI. 225

phiano, & Bulgaris *Zagoria*, inquit Curopalates. *Ælii Publii Julii* hujus civitatis Episcopi meminit Eusebius lib. 5. hist. Eccles. cap. 18. Et ¹ *Jovinus* Episcopus Develtii in Hæmimonte Conc. Chalcedonenfi subscripsit.

ANCHIALUS Ptol. ibid. ² *Sebastianus* Episcopus Anchialensis est in Concilio Constantinop. primo, & *Paulus* in Constantinop. generali V.

PROVINCIA RHODOPES.

HIEROCLES primo loco Ænum ponit. LUCAS HOLSTENIUS.

TRAJANOPOLIS Ptol. lib. 3. cap. 11. adhuc *Trajanopoli*. ³ Hujus autem Episcopum Metropolitanum fuisse clare videtur in subscriptionibus Concilii Chalcedonenfis, ubi *Basilus* dicitur Trajanopolis Metropolis Rhodopes Provinciæ, necnon in Collatione 8. Constantinopolitanæ Synodi generalis quintæ, cui hoc cum nomine subscripsit *Eleusinus*.

MAXIMIANOPOLIS dictæ Notitiæ Græcæ. ⁴ *Eunepius* ejus Episcopus subscripsit Conc. Ephesino, & *Serenus* Chalced. ubi in Rhodope ponitur.

ABDERA Ptol. ibid. vulgò *Polystilo* dicitur, teste Curopalate. Eadem est Ortelio ac Maximianopolis: tamen *Joannes* Episcopus Abderæ legitur in eodem Concilio Chalcedonenfi præter Maximianopolitanum.

MARONIA, postea *Clazomene* dicta Ptolem. ibidem. ⁵ *Docimatus* Episcopus Maroniæ Rhodopes Provinciæ Thraciæ legitur in Concilio Chalcedonenfi ex actis Ephesini, in cujus subscriptionibus etiam reperitur.

⁶ ÆNUS Ptol. ibid. *Enio* & *Eno* vulgò dicitur Sophiano teste. *Macarius* Ani Thraciæ Episcopus Concilio Chalcedonenfi subscripsit.

CYPSELA Ptol. ibid. *Ipsala* vulgò nuncupatur, teste Jo. Leunclavio, & *Capfilar* Bellonio. *Georgius* Episcopus Cypselæ est in Concilio Constantinopolitano generali quinto.

TOPIRUS huc transferenda ex pag. 197. Tum etiam duæ illæ provinciæ Mœsiæ superioris & Scythiæ, quas supra p. 203. & 204. Illyrico malè annectit, hic suo loco inferi debent. LUCAS HOLSTENIUS.

SCYTHIA TRANS DANUBIUM.

SCYTHIAM, quæ trans Danubium est, Thraciæ ut ei vicinam subjungimus. Est autem Scythia, inquit Justinus, in Orientem porrecta, includitur ab uno latere Ponto, & ab altero montibus Riphæis; à tergo Asia & Phasi flumine. Multum in longitudinem & latitudinem patet. Hominibus inter se nulli fines: neque enim agrum exercent, nec domus illis ulla, aut tectum, aut sedes est, armenta & pecora semper pascentibus, & per incultas solitudines errare solitis. Tres in ea sedes Episcopales recenset Notitia antiqua Græca, in qua Zicchia nominatur, quas sic paucis illustrabimus.

CHERSONUS Notitiæ antiquæ Græcæ in Zicchia, quæ in Bosphoro est Gyllio: eadem forte ac Chersonefus Scyllacis in Taurica Chersonefo. *Stephanus* Episcopus Chersoni legitur in Conc. Constantinop. generali quinto.

BOSPHORUS eidem Notitiæ etiam in Zicchia. *Joannes* Episcopus Bosphori subscripsit Concilio Constantinopolitano sub Agapeto & Menna, & *Endoxius* Chalcedonenfi.

F f

ZIC-

NOTÆ LUCÆ HOLSTENII.

¹ *Jovinus* &c. Concil. Chalced. subscripsit. & Synodica Gennadii Patriarchæ Constantinopolitani.

² *Sebast.* Ep. Anch. est in Concil. Constant. 1. Sabatius subscripsit Synodicæ Gennadii P. CP. Tom. 1. Juris Græc. Rom.

³ Hujus a. Episc. Metropolitan. fuisse clare videtur in subscripsit. Concil. Chalced. Act. 1. Theodulum ejus Episcopum commemorat Athanasius ad Solitar. p. 821. [cui hoc cum nomine subscripsit] Joannes in ultima subscriptione collat. 8. Joannes legitur Episcopus Maronitarum Metropol. Rhodiæ provinciæ. Eleusini autem nomen nusquam ibi comparet. Paulò

ante legitur Aſignius Trajanopoleos Episcopus, sed ex Phrygia. Joannes subscripsit Synodicæ Gennadii P. Constantinopolitani.

⁴ *Eunepius* &c. Eustathius Maximianopolitanorum metropoleos Episcopus Concil. v. Constantinopolit. coll. 9.

⁵ *Docimatus* &c. in cujus subscript. reperitur & in subscript. Synodicæ Gennadii; & subscripsit Concilio Chalced. Act. 6.

⁶ *Ænus* &c. Olympium τὸν ἀπὸ Ἀθῶν commemorat Athanasius ad Solitar. p. 821.